

A Coruña, 1 de outubro de 2021

## ASUNTO: CONVOCATORIA DA ASEMBLEA EXTRAORDINARIA DA FEDERACIÓN GALEGA DE NATACIÓN

Pola presente convócase á Asemblea Xeral Extraordinaria da Federación Galega de Natación que terá lugar o **sábado 16 de outubro de 2021** ao remate da Asemblea Xeral Ordinaria co seguinte:

### ORDE DO DÍA:

1.- Aprobación se procede da modificación dos artigos 11 e 41 dos Estatutos da Federación coa incorporación dun novo parágrafo en cada un deles para regular a posibilidade de convocar e celebrar tanto as sesións ordinarias como extraordinarias da Asemblea Xeral e outros órganos, a través de medios telemáticos.

Atentamente

Carlos Touriño González  
Presidente

A modificación que se propón aos artigos 11 e 41, inclúe a incorporación dun novo parágrafo en cada un deles, para regular a posibilidade de convocar e celebrar tanto as sesións ordinarias como extraordinarias da Asemblea Xeral e outros órganos, a través de medios telemáticos.

Para que as sesións celebradas por estes medios gocen das suficientes garantías, débese respectar o disposto no artigo 17 da Lei 40/2015, do 1 de outubro, de Réxime Xurídico do Sector Público, debendo asegurar a identidade dos membros ou persoas que no seu caso os suplan, o contido das manifestacións que se realicen, o momento en que estas se producen, así como a interactividade e intercomunicación entre eles en tempo real.

Por tanto, se se prevé a posibilidade de realizar sesións tanto de Asemblea Xeral como de Xunta Directiva, de forma telemática máis aló de 2021, esta posibilidade debe quedar recollida nos estatutos asociativos, previa aprobación da Asemblea Xeral, senón, non serán válidas. Con todo, o deixar recollida esta posibilidade non significa a obrigatoriedade de que as sesións se celebren por este método, en calquera caso é potestativo.

Tendo en conta o anterior, recoméndase engadir un novo parágrafo aos artigos 11 e 41 dos estatutos coa seguinte redacción:

Artigo 11, último parágrafo: *"As sesións ordinarias e extraordinarias dos órganos de goberno e órganos complementarios poderán convocarse e celebrarse por vídeo, videoconferencia, webconferencia ou por conferencia telefónica múltiple sempre que todas as persoas que tivesen dereito de asistencia ou quen os represente dispoñan dos medios necesarios, o secretario da FEGAN recoñeza a súa identidade, e así o exprese na acta, que remitirá de inmediato ás direccións de correo electrónico. Así mesmo, os medios electrónicos deben asegurar, a interactividade e intercomunicación entre os membros en tempo real, así como o contido das súas manifestacións no momento en que estas se produzan. No caso da celebración da sesión por algún destes medios, esta entenderase celebrada no domicilio social."*

Artigo 41, último parágrafo: *"As sesións ordinarias e extraordinarias da Asemblea Xeral poderán convocarse e celebrarse por vídeo, videoconferencia, webconferencia ou por conferencia telefónica múltiple sempre que todas as persoas que tivesen dereito de asistencia ou quen os represente dispoñan dos medios necesarios, o secretario da FEGAN recoñeza a súa identidade, e así o exprese na acta, que remitirá de inmediato ás direccións de correo electrónico. Así mesmo, os medios electrónicos deben asegurar, a interactividade e intercomunicación entre os membros en tempo real, así como o contido das súas manifestacións no momento en que estas se produzan. No caso da celebración da sesión por algún destes medios, esta entenderase celebrada no domicilio social."*